

ամբողջական կեանք: Տխուր, տրտում, միակերպ եւ սակայն, եթէ մտածենք, ի՞նչքան բովանդակալից: Գիշերը ժողովուրդ են մէկի կամ միւսի տունը, քրտինի շուրջը, չիր ու չամիչ են ուտում, օղի խմում, երկար պատմութիւններ պատմում: Գիւղի պատմութիւնները՝ երկարօրէն ծամուած, որոշակի գծերով նկարուած, ոսկեխառն գոյներով, սլարզ, խորամանկ եւ փխրոտփայական: Դեռ եւ դիւցազունը, կաքաւը, ազուհւը, սատանան եւ Ս. Կարապետը եւ թագաւորների հոյակապ պատմուածանները ու կտրեճների խրնխնջող ճերմակ ձիերը...

— Ես պատկերացնում էի մեր կեանքը ինչպէս մի Վայմար, մի Վայմար, ուր մեծ Դուքսը, թո՛ղ լինի պրոլետարիատի Դուքսը, հայ իրականութեան փոշիացած տափաստանի վրայ պիտի ուզէ վերականգնել, աւելի շուտ ստեղծել, մշակոյթային աշխ կեանքը, տեւական մտային արթէքների այն փայլը, որոնք կոչուած են մնալու բէթմանների եւ պետութիւնների անհետացումից յետոյ: Գիտէի մեր նիւթական թշուառութիւնը եւ չէի վախենում, կռահում էի բազում այն արգելքները, որոնց պիտի բախենք եւ չէի վհատում: Մի Վայմար...

— Փոքրիկ թատրոնը, բարձր ծառերի շուքի տակ պատկած պողոտան, պարտէզի անկիւնում միանկեաց նստած փխրոտփայն, բախտաւորը, Համալսարանը:

— Այո, այդ ամէնը ներքնապէս: Բարոյական եւ մտաւոր այն մթնոլորտը, ուր ծնւում են նուրբ եւ կատարեալ մշակոյթային արթէքները, ուր ծաղկում է հոգեկան մրգաստանը, ուր երկրորդական թուացող երեւոյթները խորացումի եւ արուեստի մեծ պատճառներ են դառնում, ուր, վերջապէս՝ եւ այդ ամենակարեւորն է՝ ստեղծւում է լեզուն եւ դադրում են գոյութիւն ունենալ բարբառները:

— Մոռանում էի դիկտատուրան...

— Ես ոչինչ չեմ մոռանում: Թրքաց արշաւանքների ամենադաժան տարիներին իսկ հայ ոգին կարողանում էր պահել իր գիմազիծը: Մենք ունենք մեր կուսարօշննոսն եւ չինկունչենոսն՝ ի՞նչքան քիչ ուսումնասիրուած: Փոքրիկ մեր միապետները, մինչեւ իսկ հայութիւն ընդունած մոնղոլ իշխանները՝ ազաները, մեկիքները, նրանք որ իրենց կոչում էին

«չահնչահ», «ամիր սպասալար», «աթապակ», «մեծաբառ տեսար», «քաջ զօրավար ընդդէմ թշնամեաց խաչին Գա.ի» եւ տիրում էին Սիւնեաց երկրի վրայ, Արարատեան դաշտի, Արագածի լանջերի վրայ, նրանք, որ զեղեցիկ եւ հնչուն, Տասոյի եւ Արիօստոյի դիւցազներգութիւնները յիշեցնող անուններ էին կրում՝ Ալադան, Սատրիկ, Բահադին՝ նրանք իսկ յայտնաբերում էին մեծ շինարար ոգի ու սէր դէպի արուեստը եւ գրականութիւնը: Քանի՞ քանի՞ հրաշակերտ եկեղեցիներ թողած են նրանք, ինչպիսի՞ հսկայական ջրանցքներ եւ շինութիւններ, ի՞նչ զեղեցիկ ձեռագիրներ, տարիների ընթացքին գարդարուած ոսկեզօծ մանրանկարներով ու ծածկուած թանկարժէք կաղմերով... Նրանք չինած են վանքեր, ուր հայ միտքը կարող էր պատասպարուել, նրանք պաշտպանած ու քաջալերած են հայ երգը, լեզուն, գրականութիւնը եւ այդ, ինչպէս գրում էին, «վասն հոգւոյ» իրենց եւ արեւշատութիւն որդոց: Արեւշատութիւն: Մեծ եւ գեղեցիկ բառ, լայնաթեւ, խորհրդաւոր, ու այդ բառերի տակ՝ խոր, մեծդի գգացումների ինչպիսի՞ ալեկոծումներ: Վիթխարի մարդիկ էին. քաջ կռուողներ, շինարարներ եւ նաեւ հրմուտ կղերականներ: Յիշո՞ւմ էք. «Մանուէլ եպիսկոպոս Բզնոյ եւ Արարատեան...սրբազան վեհ...երջանիկ եւ առաքելաշնորհ արհիւական գլուխ, մեծ մետրապօլիտ եւ վերադիտող երկնաքանդակ Տանն Արարատեան...իշխան եւ իշխեցնող երկոտասան վիճակաց» կամ այսինչը՝ «շնորհազարդեալ փխրոտփայական հմտութեամբ, աստուածաշունչ մատենից եւ երաժշտական եղանակաց»...

— Եւ երաժշտական եղանակաց:

— Այդպիսի լեզուով կարող է խօսել մի Լօրենցո դի Մեդիչի, Միլանի կամ Ֆեռարայի մի իշխան, մի Վաղարի, մի Մաքեափլի... Ես նրանց երեւակայում եմ...

— Ով որ Նորքի ստորոտին ծաղկած նշանները չի տեսել՝ ոչինչ չի տեսել:

— Գարնան ձիւնը դառնում է հեղեղ եւ գիւղը բերեղեայ երգ է երգում: Ամէն ինչ միանգամայն է արթնանում, մէկ օրից միւսը, անսպասելի կերպով: Լեռը եւ արեւը յորդում են դէպի դաշտ, հողերի մէջ հիւթերը թաւալ են դալիս, եռում ու զեռում են, ծաղկում,